

о осужденных нас въсприемлет страсти даже до смерти, якоже<sup>52</sup> и во ад сошед спасет и тамо веровавшая.

Хотящу же паки зде митрополиту и о воскресении и вознесении господни глаголати и яже от пророк свидетельства принести, ими же бог сый Христос показуется и бог той быти свидетельствуется въчеловечь-вы(й)ся от девы и по||страдав о нас, и въскрес, и инаа все, възмязтешся, л. 238 об. удръжаша его<sup>53</sup> турци, глаголюще: «Како глаголеши, яко родися бог и вмести его утроба женская и ина многа таковая? Но рече тъкмо бог и бысть<sup>54</sup> Христос». Митрополит же к ним: «Несть, — рече, — бог тело велие, яко не мощи вместилися в мале величества ради; но бестелесен сый и всуд(у) может быти и выше всего, и в едином, аще и малейшее помыслит кто, и во оном весь может вместилися».

Они же паки многа мольвяще глаголаху, яко «Рече бог и бысть<sup>55</sup> Христос». Митрополит же паки:<sup>56</sup>

— Вы глаголете слово быти божие Христа. Како убо слово от иного слова бывает паки? Случит бо ся сице не быти слово божие самому богу събзначално. Показа же ся сице в начале и исповедасте и вы, яко имат бог събзначално себе и Слово и Дух. Тем же и Христа не Слово токмо, но и Дух божий того быти глаголете. «Рече же бог и бысть» — камень сей (сказал митрополит), показав подлежащий (пред ними камень),<sup>57</sup> — и былие, и сами ти гадове. Аще убо за еже быти (рожденным) словом бо-жим Христу, якоже глаголете слово божие есть и дух Христос, и ка-мень, и былие, и гадове<sup>58</sup> кыйждо слово божие и дух его есть, понеже и та — «рече и быша». Видите ли, колико есть зло еже глаголати, яко «Рече бог и бысть и Христос»? Превечное бо божие Слово въчеловечь||вся л. 239 и плоть быв несмесно — не яко плоть Дух и Слово божие есть, — по-слежде бо, якоже рехом, от нас и нас ради прият человеческое ество. Беше же присно в бозе яко Слово сы(й) ему съприсносушно, им же и веки сътвори бог.

В сих же паки прекратиша хионене. Председая же Пала(па)н, мльчание сътворив, реч(е) к<sup>59</sup> митрополиту:

— Повелеваеъ (спросить) ти господин:<sup>60</sup> како мы убо, приемлюще Христа, и любим его и почитаем, и глаголем его быти божие слово и ды-хание; имама же и матерь его близь бога; вы же не приемлете пророка нашего, ниже любите его?

Митрополит же рече:

— Неверуяй учителевем словесем не можетъ възлюбити учителя. Сего ради не любим мы Мохъмета.<sup>61</sup> Рекл же к нам господь и бог и спас наш Иисус Христос, яко паки придет да судит миру всему, и заповедал есть нам никого же иного прияти, дондеже он паки к нам придет. Нъ и к неверующим к нему<sup>62</sup> глаголаше: «Аз приидох во имя отца моего, и неприяте мене. Аще же кто ин придет во свое имя, того примете». Тем же и ученик Христов<sup>63</sup> пишет к нам: «Аще и аггел благовестит вам паче, еже прияли есте, анафема<sup>64</sup> будет».

Хионе<sup>65</sup> || же паки с турки реша к митрополиту:

— Еже обрезоватися и от бога яве дано бысть изначала, и сам Хри-стос обрезася. Како убо вы не обрезуетесь?

Митрополит же паки:

<sup>52</sup> да АБВДЕ. <sup>53</sup> Доб. хионяне и Д. <sup>54</sup> Доб. и АБВДЕ. <sup>55</sup> Доб. и АБВДЕ. <sup>56</sup> Доб. рече Д. <sup>57</sup> Восст. по АБВДЕ. <sup>58</sup> от гадов АБВДЕ. <sup>59</sup> рек АБВДЕ. <sup>60</sup> Доб. амира АДЕ. <sup>61</sup> Мохумета АЕ; Хохумета Б; Меху-мета В; Махмета Д. <sup>62</sup> ему АБВДЕ. <sup>63</sup> Доб. Павел Д. <sup>64</sup> Доб. да АБВДЕ. <sup>65</sup> Хионяне Д.